

答於恩、公食於道、假之議者、誰謂不宜、今卿上表爲公讓之、朕雖知其丹誠、未忍割素意、宜如前詔、莫有所請、

〔三代實錄清和二十四〕貞觀十五年十一月六日丁卯、右大臣從二位兼行左近衛大將藤原朝臣基經、上表請還故忠仁公良房、封邑云々、勅答曰、右大臣藤原朝臣得表、已知爲故太政大臣忠仁公讓封、朕聞

存立嘉庸、沒受寵渥、古之遺法也、公儀刑道著、輔導年深、仁爲已任、死而後已、朕追加封爵、同之生存、答恩篤也、而卿稟遺旨、再三固辭、朕察其至誠、不拒來請、唯餘位封之所、輸以示厚意之不已、今纔過忌景

更求讓還、朕以爲古之功臣、有傳世不絕之誼、况公地居外祖、天下權勳、至其遺封、未謂羨食於朕、失割朕之賞、在公非爲軫○軫恐、臂之食、聊添幽窆之榮、兼助奠祭之費、朕不勝感泣、卿勿復請○又見都氏文集

〔公卿補任字多〕太政大臣從一位藤基經、寬平三年正月十三日薨年五十六、詔贈正一位階、封越前國、諡曰昭宣公、號堀川太政大臣、生年承和三年丙辰、送山城國宇治郡、攝政十一年、關白八年、

〔愚管抄字一多〕關白太政大臣基經中略、寬平三年正月十三日薨五十七、天皇甚哀、
〔續日本紀聖武〕天平二年九月丙子、遣使以渤海郡信物、令獻山陵六所、并祭、故太政大臣藤原朝臣○不比等墓、

〔續日本紀孝謙十九〕天平勝寶七年十月丙午、勅曰、比日之間、太上天皇枕席不安、寢膳乖宜、朕竊念茲、情深惻隱○中、遣使於山科、大內東西、安古、真弓、奈保山東西等山陵、及太政大臣○藤原不比等墓、奉幣以祈請焉、

〔三代實錄清和〕天安二年十一月五日壬戌○中、從四位上行右兵衛督源朝臣勤、爲今上外祖母源氏○藤原真房妻、愛宕墓使、並告以天皇卽位也、

〔三代實錄清和〕天安二年十二月九日丙申、詔定十陵四墓、獻年終荷前之幣○中、贈太政大臣正一位藤原朝臣鎌足、多武峯墓、在大和國十市郡、後贈太政大臣正一位藤原朝臣冬嗣、宇治墓、在山城國宇治郡、尙侍贈正一位藤原朝臣美都子○冬嗣妻、次宇治墓、在山城國宇治郡、贈正一位源朝臣潔姬○藤原真房妻

帝王部 二十六 外戚上 一五五七

冢墓